

川老金剛經

八波 5
408



佛言愛敬美其書名之為報大其無分賴有一美
若使二日其天之人其能為之者矣

奉請八金剛四菩薩

奉請青除災金剛 奉請僻毒金剛 奉請黃水求金剛

奉請白淨水金剛 奉請赤祥火金剛 奉請定除災金剛

奉請紫現身金剛 奉請大神力金剛 奉請敬物奉菩薩

奉請淨業索喜薩 奉請調伏愛喜薩 奉請群迷語喜薩

明治三十六年十一月十九日

市函謙方氏寄贈



川老金剛經序

此一卷經如儒家論語辭有盡理無窮自佛法西來雖
載於大般若經第五百七十七卷而其文義經六朝法
師翻譯今之所行者迺秦羅什本也前後解注議論不
一唯草堂宗密禪師所得尤多觀其序云住一十八處
密示階差斷二十七疑潛通血脉至有慧澈三空檀含
萬行之說非深於般若未易臻此會首正將劉侯仝化
緣范師榮近得是本鏤板于槁菴屬子為叙然世尊演
說般若九四處十六會此祇園之答善現蓋第九會也
是經既刊諸善人須得免忘蹄而川老子不免盡地忝

波門
號408
卷

足云淳熙己亥結制日西隱五戒 慧藏 無盡書

稽首摩訶大法王 體堅無壞號金剛 巍巍德相超三際
爍爍慈光照十方 不斷不常非去住 二邊中道豈能量
隱則那伽隨處定 彰時遍界不曾藏 受持四句多功德
福勝河沙千百億 我今直說大摩訶 不離本處休尋覓
諦信之心一刹那 信心成佛滿河沙 若人不信波羅蜜
萬劫無因出愛河 金剛般若波羅蜜 九聖法門從此出
威光赫赫曜乾坤 廓落空空無朕迹 甚深般若波羅蜜
晃晃明明如杲日 大地山河一照中 綿綿密密無窮極
摩訶般若波羅蜜 功德難量人罕測 展則無邊遍刹塵

收則毛頭不能立 勸君深信大摩訶 他自利福弥多
聞提不信心成佛 我今重更讚摩訶 有人若受三塗苦
至心持誦大金剛 劍樹化為華菓秀 鑊湯變作玉池塘
若人軍陣兵圍遶 一心常誦大金剛 千般劍戟無能害
于戈無散免刀鎗 又禁獄囚求出離 發心持誦大金剛
枷鎖自然皆解脫 罪無原放勿災殃 或作經商渡江海
惡風飄墮毒龍傷 至心稱念金剛者 浪息風停到岸傍
跋涉山林逢猛獸 虎狼獅子趕驚忙 舉心稱念金剛者
毒蛇猛獸伏潛藏 若人久別諸親眷 流落他方道路長
發心持誦金剛者 睡中驚覺在家鄉 有人疾病無醫療

床枕酸疼徹肺腸一心持誦金剛者即時痊愈得安康
若有冤家難解釋互相侵暴兩遭傷堅心持誦金剛者
萬般災害變為祥忽有臨終將命盡心中常記大金剛
託生宿命分明記福為卿相貴名揚自小六親亡沒早
悲心行孝憶爺孃持施金剛經一卷慈親託夢上天堂
此經持誦福難量感應無窮豈勝揚奉勸現前諸佛子
同入金剛大道場
開經偈
無上甚深微妙法
百千萬億難遭遇我今見聞得受持願解如來真實義
金剛般若波羅蜜經 ○

法不孤起誰為安名 頌曰 摩訶大法王

法會目由
分第一

無短亦無長本來非皂白隨處現青黃華發看朝艷
林凋逐晚霜疾雷何太急迅電亦非光九聖猶難測
龍天豈度量古今人不識權立號金剛
如是 古人道喚作如如早是變了也且道變向甚麼
處去 咄 不得亂走畢竟作麼生道火不曾燒却口
頌曰 如如 靜夜長天一月孤 是是 水不離
波波是水鏡水塵風不到時應現無瑕照天地 看看
我 淨裸裸赤洒洒沒可把 頌曰 我我 認得分
明成兩箇不動纖毫合本然知音自有松風和
聞 切忌隨他去 頌曰 猿啼嶺上鶴唳林間斷雲

風捲水激長湍最愛晚秋霜午夜一聲新鴈覺天寒
相隨來也頌曰 一一破二成三從此出乾坤

混沌未分前以是一生參學畢
時如魚飲水冷暖自知頌曰 時時清風明月鎮

相隨桃紅李白薔薇紫問着東君自不知
佛無面目說是非漢頌曰 小名悉達長號釋迦

度人無數攝伏群邪若言他是佛自己却成魔祇把
一枝無孔笛為君吹起大平歌

在客來須看也不得放過隨後便打頌曰
獨坐一爐香金文誦兩行可憐車馬客門外任他忙

舍衛國祇樹給孤獨園與大比丘眾千二百五十人俱

獨掌不浪鳴頌曰 巍巍堂堂萬法中王三十二
相百千種光聖九瞻仰外道歸降莫謂慈容難得見

不離祇園大道場
爾時世尊食時着衣持鉢入舍衛大城乞食於其城中

次第乞已還至本處飯食訖收衣鉢洗足已敷座而坐
惺惺着頌曰 飯食訖兮洗足已敷座坐來誰共

委向下文長知不知看看平地波濤起
時長老須菩提在大眾中即從座起偏袒右肩右膝着

地合掌恭敬而白佛言希有世尊如來善護念諸菩薩

善現起請
分第二

善付囑諸菩薩 如來不措一言 須菩提便興讚歎 具
眼勝流 試着眼者 頌曰 隔牆見角 便知是牛 隔
山見煙 便知是火 獨坐巍巍 天上天下 南北東西 鑽
龜打瓦 咄

世尊善男子善女人發阿耨多羅三藐三菩提心云何
應住云何降伏其心 這一問從甚處出來 頌曰

你喜我不喜君悲我不悲 鴈思飛塞北 鷺憶舊巢歸
秋月春花無限意 箇中只許自家知

佛言善哉善哉 須菩提如汝所說 如來善護念諸菩薩
善付囑諸菩薩 汝今諦聽 當為汝說 善男子善女人發

阿耨多羅三藐三菩提心 應如是住 如是降伏其心 唯
然 世尊願樂欲聞 往往事因 丁囑生 頌曰

七手八脚 神頭鬼面 棒打不開 刀割不斷 閻浮踔躑
幾千迴頭 頭不離空王殿

佛告須菩提 諸菩薩摩訶薩 應如是降伏其心 所有一
切眾生之類 若卵生 若胎生 若濕生 若化生 若有色 若
無色 若有想 若無想 若非有想 若非無想 我皆令入無
餘涅槃 而滅度之 如是滅度無量無數無邊眾生 實無
眾生得滅度者 何以故 須菩提 若菩薩有我相 人相 眾
生相 壽者相 即非菩薩 頂天立地 鼻直眼橫 頌曰

妙行無住
分第四

堂堂大道赫赫分明人人本具箇箇圓成祇因差一念現出萬般形

復次須菩提菩薩於法應無所住行於布施所謂不住色布施不住聲香味觸法布施須菩提菩薩應如是布施不住於相何以故若菩薩不住相布施其福德不可思量若天要天下行無過一藝強頌曰西川十樣錦添華色轉鮮欲知端的意北斗面南看虛空不闕絲頭念所以彰名大覺仙

須菩提於意云何東方虛空可思量不亦也世尊須菩提南西北方四維上下虛空可思量不亦也世尊須菩

提菩薩無住相布施福德亦復如是不可思量須菩提菩薩但應如所教住可知禮也頌曰虛空境界豈思量大道清幽理更長但得五湖風月在春來依

舊百花香

須菩提於意云何可以身相見如來不亦也世尊不可以身相得見如來何以故如來所說身相即非身相

且道只今行住坐卧是甚麼相休瞌睡頌曰身在海中休覓水日行山嶺莫尋山鸚吟鷺語皆相似莫問前三與後三

佛告須菩提凡所有相皆是虛妄若見諸相非相即見

如理察見
分第五

如來天山是山水是水佛在甚麼處今頌曰 有相有
求俱是妄無形無見隨偏枯堂堂密密何曾間一道
寒光爍大虛不

須菩提白佛言世尊頗有衆生得聞如是言說章句生
實信不佛告須菩提莫作是說如來滅後後五百歲有
持戒修福者於此章句能生信心以此為實

金佛不度爐木佛不度火泥佛不度水今頌曰

三佛形儀總不真眼中瞳子面前人若能信得家中
寶啼鳥山花一掬春

當知是人不於一佛二佛三四五佛而種善根已於無

量千萬佛所種諸善根聞是章句乃至一念生淨信者
須菩提如來悉知悉見是諸衆生得如是無量福德

種瓜得瓜種菓得菓今頌曰 一佛二佛千萬佛各

各眼橫魚鼻直昔年親種善根來今日依前得渠力

須菩提須菩提着衣喫飯尋常事何須特地却生疑

何以故是諸衆生無復我相人相衆生相壽者相無法

相亦無非法相今圓同大虛無欠無餘今頌曰

法相非法相開拳復成掌浮雲散碧空萬里天一様

何以故是諸衆生若心取相即為着我人衆生壽者若

取法相即着我人衆生壽者何以故若取非法相即着

我人衆生壽者是故不應取法不應取非法 金不博
金水不洗水 頌曰 得樹攀枝未足奇懸崖撒手
丈夫兒水寒夜冷魚難覓留得空船載月歸
以是義故如來常說汝等比丘知我說法如筏喻者法
尚應捨何況非法 水到成渠 頌曰 終日忙忙那
事無妨不求解脫不樂天堂但能一念歸無念高步
毗盧頂上行
須菩提放意云何如來得阿耨多羅三藐三菩提耶如
來有所說法耶須菩提言如我解佛所說義無有定法
名阿耨多羅三藐三菩提亦無有定法如來可說

寒則言寒熱則言熱 頌曰 雲起南山雨北山驢
名馬字幾多般請看浩渺無情水幾處隨方幾處圓
何以故如來所說法皆不可取不可說非法非非法
是甚麼 頌曰 恁麼也不得不恁麼也不得廓落
大虛空鳥飛無影跡咄撥轉機輪却倒迴南北東西
任往來
所以者何一切賢聖皆以無為法而有差別 毫釐有
差天地懸隔 頌曰 正人說邪法邪法悉歸正邪
人說正法正法悉皆邪江北成枳江南橘春來都放
一般花

須菩提於意云何若人滿三千大千世界七寶以用布施是人所得福德寧為多不須菩提言甚多世尊何以故是福德即非福德性是故如來說福德多若復有人於此經中受持乃至四句偈等為他人說其福勝彼事向無心得頌曰寶滿三千及大千福緣應不離人天若知福德元無性買得風光不用錢何以故須菩提一切諸佛及諸佛阿耨多羅三藐三菩提法皆從此經出且道此經從甚處出須彌頂上大海波心頌曰佛祖垂慈實有權言言不離此經宣此經出處還相委便向雲中駕鐵船

切忌錯會

須菩提所謂佛法者即非佛法能將蜜菓子換汝苦

葫蘆頌曰佛法非法能縱能奪有放有收有生有煞眉閒常放白毫光癡人猶待問菩薩

須菩提於意云何須陀洹能作是念我得須陀洹果不須菩提言不也世尊何以故須陀洹名為入流而無所入不入色聲香味觸法名須陀洹須菩提於意云何斯陀含能作是念我得斯陀含果不須菩提言不也世尊何以故斯陀含名一往來而實無往來是名斯陀含須菩提於意云何阿那含能作是念我得阿那含果不

須菩提言不也世尊何以故阿那含名為不來而實無
不來是故名阿那含 諸行無常一切皆苦 頌曰
三位聲聞已出塵往來求靜有疎親明明四果元無
果幻化空身即法身

須菩提於意云何阿羅漢能作是念我得阿羅漢道不
須菩提言不也世尊何以故實無有法名阿羅漢世尊
若阿羅漢作是念我得阿羅漢道則為着我人衆生壽
者世尊佛說我得無諍三昧人中最為第一是第一離
欲阿羅漢 把定則雲橫谷口放行也月落寒潭

頌曰 喚馬何曾馬呼牛未必牛兩頭都放下中道

一時休六門迸出遼天鶻獨步軋坤總不收

世尊我不作是念我是離欲阿羅漢世尊我若作是念
我得阿羅漢道世尊則不說須菩提是樂阿蘭那行者
以須菩提實無所行而名須菩提是樂阿蘭那行

認着依前還不是 頌曰 蚌腹隱明珠石中藏碧
玉有麝自然香何用臨風立活計看來恰似無應用
頭頭皆具足

佛告須菩提於意云何如來昔在燃燈佛所於法有所
得不不也世尊如來在燃燈佛所於法實無所得

古之今之 頌曰 一只手指天一只手指地南北東西

秋毫不覩生來心膽大如天無限群魔倒赤幡
須菩提於意云何菩薩莊嚴佛土不也世尊何以故
莊嚴佛土者即非莊嚴是名莊嚴 孃生袴子青州
布衫 頌曰 抖擻渾身白勝霜蘆花雪月轉爭光
幸有九臯翹足勢更添硃頂又何妨
是故須菩提諸菩薩摩訶薩應如是生清淨心不應住
色生心不應住聲香味觸法生心 雖然恁麼爭奈目
前何 頌曰 見色非于色聞聲不是聲色聲不礙
處親到法玉城
應無所住而生其心 退後退後看看頑石動也

頌曰 山堂靜夜坐無言寂寂寥寥本自然何事西
風動林野一聲寒鴈唳長天
須菩提譬如有人身如須彌山王於意云何是身為大
不須菩提言甚大世尊何以故佛說非身是名大身
設有向甚麼處著 頌曰 擬把須彌作幻軀饒君
膽大更心麤目前指出千般有我道其中一也無
便從這裏入
須菩提如恒河中所有沙數如是沙等恒河於意云何
是諸恒河沙寧為多不須菩提言甚多世尊但諸恒河
尚多無數何況其沙

無為福勝
分第十一

前三三後三三 頌曰 一二三四數河沙沙等恒
河數更多算盡目前無一法方能靜處薩婆訶
須菩提我今實言告汝若有善男子善女人以七寶滿
爾所恒河沙數三千大千世界以用布施得福多不須
菩提言甚多世尊佛告須菩提若善男子善女人於此
經中乃至受持四句偈等為他人說而此福德勝前福
德 真鍮不換金 頌曰 入海算沙徒費力區區未
免走埃塵爭如運出家珍寶枯木生花別是春
復次須菩提隨說是經乃至四句偈等當知此處一切
世間天人阿脩羅皆應供養如佛塔廟何況有人盡能

受持讀誦須菩提當知是人成就最上第一希有之法
若是經典所在之處則為有佛若尊重弟子合如是
頌曰 似海之深如山之固左旋右轉不去不住出
窟金毛獅子兒全威哮吼眾狐疑深思不動干戈處
直攝天魔外道歸
爾時須菩提白佛言世尊當何名此經我等云何奉持
佛告須菩提是經名為金剛般若波羅蜜以是名字汝
當奉持 今且小出大遇 頌曰 火不能燒水不能
溺風不能飄刀不能劈軟似兜羅硬如鐵壁天上人
間古今不識嘆

所以者何須菩提佛說般若波羅蜜即非般若波羅蜜
是名般若波羅蜜猶較些子 頌曰 一手擡一手

擗左邊吹右邊拍無弦彈出無生樂不屬宮商格調
新知音知後徒名邈

須菩提於意云何如來有所說法不須菩提白佛言世
尊如來無所說 佞聲佞聲 頌曰 入草求人奈

何利刀斫了手摩沙掌雖然出入無蹤跡紋彩全彰見
也麼

須菩提於意云何三千大千世界所有微塵是為多不
須菩提言甚多世尊須菩提諸微塵如來說非微塵是

名微塵如來說世界非世界是名世界 南瞻部洲北

鬱單越 頌曰 頭指天脚踏地饑則食困則睡此

土西天西天此土到處元正便是年南北東西祇者是

須菩提於意云何可以三十二相見如來不也世尊
不可以三十二相得見如來何以故如來說三十二相
即是非相是名三十二相 借婆衲子拜婆年 頌曰

你有我亦有君無我亦無有無俱不立相對背廬都

須菩提若有善男子善女人以恒河沙等身命布施若
復有人於此經中乃至受持四句偈等為他人說其福
甚多 兩彩一賽 頌曰 伏手滑槌不換劍善使之人

皆總便不用安排本現成箇中須是英靈漢囉囉哩
哩囉囉山花笑野鳥歌此時如得意隨處薩婆訶
爾時須菩提聞說是經深解義趣涕淚悲泣而白佛言
希有世尊佛說如是甚深經典我從昔來所得慧眼未
曾得聞如是之經多好笑當面諱了 頌曰 自小來
來慣遠方幾迴衡岳渡瀟湘一朝踏着家鄉路始覺
途中日月長

世尊若復有人得聞是經信心清淨則生實相當知是
人成就第一希有功德世尊是實相者則是非相是故
如來說名實相多山河大地甚處得來 頌曰 遠觀

山有色近聽水無聲春去花猶在人來鳥不驚頭頭
皆顯露物物體元平如何言不會祇為大分明

世尊我今得聞如是經典信解受持不足為難若不
得後語前話也難圓 頌曰 難難難如平地上青
天易易易似和衣一覺睡行船盡在把梢人誰道波
濤從地起

若當來世後五百歲其有衆生得聞是經信解受持是
人則為第一希有 行住坐卧着衣喫飯更有甚麼事
頌曰 冰不熱火不寒土不濕水不乾金剛脚踏地
幡竿頭指天若人信得及北斗面南看

何以故此人無我相無人相無衆生相無壽者相所以者何我相即是非相人相衆生相壽者相即是非相何以故離一切諸相則名諸佛心不負人面無慚色

頌曰 舊竹生新筍新花長舊枝兩催行客路風送片帆歸竹密不妨流水過山高豈礙白雲飛

佛告須菩提如是如是若復有人得聞是經不驚不怖不畏當知是人甚爲希有 祇是自家底 頌曰

毛吞巨海水芥子納須彌碧漢一輪滿清光六合輝踏得故開田地穩更無南北與東西

何以故須菩提如來說第一波羅蜜即非第一波羅蜜

是名第一波羅蜜 八字打開兩手分付 頌曰

是名第一波羅蜜萬別千差從此出鬼面神頭對面來此時莫道不相識

須菩提忍辱波羅蜜如來說非忍辱波羅蜜是名忍辱波羅蜜何以故須菩提如我昔爲歌利王割截身體我於爾時無我相無人相無衆生相無壽者相

智不責愚 頌曰 如刀斷水似火吹光明來暗去

那事無妨歌利王歌利王誰知遠煙浪別有好思量何以故我於往昔節節支解時若有我相人相衆生相壽者相應生嗔恨須菩提又念過去於五百世作忍辱

仙人於爾所世無我相無人相無衆生相無壽者相

目前無法從教柳綠花紅耳畔無聞一任鸚吟鷺語

頌曰 四大元無我五蘊悉皆空廓落虛無理乾坤

萬古同妙峯嶷嶷常如故誰管顛號括地風

是故須菩提菩薩應離一切相發阿耨多羅三藐三菩

提心 是即此用離此用 頌曰 得之在心應之於

手雪月風花天長地久朝朝鷄向五更啼春來處處

山花秀

不應住色生心不應住聲香味觸法生心應生無所住

心若心有住則爲非住是故佛說菩薩心不應住色布

施須菩提菩薩爲利益一切衆生故應如是布施

有佛處不得住無佛處急走過三十年後莫言不道

頌曰 朝遊南嶽暮往天台追而不及忽然自來獨

行獨坐無拘繫得寬懷處且寬懷

如來說一切諸相即是非相又說一切衆生即非衆生

別有長處不妨拈出 頌曰 不是衆生不是相春

暖黃鸚啼柳上說盡山雲海月情依前不會空惆悵

休惆悵萬里無雲天一樣

須菩提如來是真語者實語者如語者不誑語者不異

語者知恩者少負恩者多 頌曰 兩箇五百是一

貫阿爺元是丈夫漢分明對面報渠言爭奈好心無好報真語者實語者阿呵呵喏喏

須菩提如來所得法此法無實無虛水中鹹味色裏膠清頌曰硬似鐵軟如酥看時有不見還無雖然

步步常相守要且無人識得渠

須菩提若菩薩心住於法而行布施如人入闇即無所見若菩薩心不住法而行布施如人有目日光明照見種種色須菩提當來之世若有善男子善女人能於此經受持讀誦即為如來以佛智慧悉知是人悉見是人皆得成就無量無邊功德因地而倒因地而起地向

你道甚麼頌曰世間萬事不如常又不驚人又久長如常恰似秋風至無意涼人人自涼

須菩提若有善男子善女人初日分以恒河沙等身布施中日分復以恒河沙等身布施後日分亦以恒河沙等身布施如是無量百千萬億劫以身布施若復有人聞此經典信心不逆其福勝彼何況書寫受持讀誦為人解說人天福報即不無佛法未夢見在頌曰初中後發施心同功德無邊筭莫窮爭似信心心不立一拳打透大虛空

須菩提以要言之是經有不可思議不可稱量無邊功

德如來為發大乘者說為發最上乘者說

如斬一握絲一斬一切斷 頌曰 一拳打倒化城

關一脚趯翻玄妙寨南北東西信步行休覓大悲觀

自在 大乘說最上說一捧一條痕一掌一握血

若有人能受持讀誦廣為人說如來悉知是人悉見是人皆得成就不可量不可稱無有邊不可思議功德如是人等即為荷擔如來阿耨多羅三藐三菩提

擘開大華手須是巨靈神 頌曰 堆山積嶽來

一一盡塵埃眼裏瞳人碧胷中氣若雷出邊沙塞
靜入國貫英才一片寸心如海大波濤幾見去還來

何以故須菩提若樂小法者著我見人見衆生見壽者見即於此經不能聽受讀誦為人解說 仁者見之謂

之仁智者見之謂之智 頌曰 不學英雄不讀書

波波役役走長途孃生寶藏無心用甘作無知餓死

夫 爭恠得別人

須菩提在在處處若有此經一切世間天人阿脩羅所

應供養當知此處即為是塔皆應恭敬作禮圍繞以諸

華香而散其處 鎮州蘿蔔雲門糊餅 頌曰

與君同步又同行起坐相將歲月長渴飲飢食常對
面不須迴首更思量

復次須菩提若善男子善女人受持讀誦此經若為人
輕賤是人先世罪業應墮惡道以今世人輕賤故先世
罪業則為消滅當得阿耨多羅三藐三菩提

不因一事不長一智 頌曰 讚不及毀不及若了

一萬事畢無欠無餘若大虛為君題作波羅蜜

須菩提我念過去無量阿僧祇劫於燃燈佛前得值八
百四十萬億那由他諸佛悉皆供養承事無空過者若
復有人於後末世能受持讀誦此經所得功德於我所
供養諸佛功德百分不及一千萬億分乃至算數譬
喻所不能及 功不浪施 頌曰 億千供佛福無邊

爭似常將古教看白紙上邊書黑字請君開眼目前

觀 風寂寂水漣漣謝家人祇在魚船

須菩提若善男子善女人於後末世有受持讀誦此經
所得功德我若具說者或有人聞心則狂亂狐疑不信
須菩提當知是經義不可思議果報亦不可思議

各各眉毛眼上橫 頌曰 良藥多苦忠言逆耳冷

暖自知如魚飲水何須他日待龍華今朝先授菩提記
爾時須菩提白佛言世尊善男子善女人發阿耨多羅
三藐三菩提心云何應住云何降伏其心佛告須菩提
善男子善女人發阿耨多羅三藐三菩提心者當生如

是心我應滅度一切衆生滅度一切衆生已而無有一
衆生實滅度者有時因好月不覺過滄洲 頌曰
若問云何住非中及有無頭無纖草蓋足不履閻浮
細似隣虛柁輕如蝶舞初衆生滅盡知無滅此是隨
流大丈夫

何以故須菩提若菩薩有我相人相衆生相壽者相即
非菩薩所以者何須菩提實無有法發阿耨多羅三藐
三菩提心者少他一分又爭得 頌曰 獨坐翛然
一室空更無南北與西東雖然不借陽和力爭奈桃
花一樣紅

須菩提於意云何如來於然燈佛所有法得阿耨多羅
三藐三菩提不不也世尊如我解佛所說義佛於然燈
佛所無有法得阿耨多羅三藐三菩提佛言如是如是
若不同床睡爭知紙被穿 頌曰 打鼓弄琵琶相
逢兩會家君行楊柳岸我宿渡頭沙江上晚來初雨
過數峯蒼翠接天霞

須菩提實無有法如來得阿耨多羅三藐三菩提須菩
提若有法如來得阿耨多羅三藐三菩提者然燈佛即
不與我受記汝於來世當得作佛号釋迦牟尼以實無
有法得阿耨多羅三藐三菩提是故然燈佛與我受記

作是言汝於來世當得作佛号釋迦牟尼 貧似范丹
氣如項羽 頌曰 上無片瓦下無卓錫日來月往
不知是誰噫

何以故如來者即諸法如義 ○ 住住動着則三十

棒 頌曰 上是天兮下是地男是男兮女是女牧

童撞着放牛兒大家齊唱囉囉哩 是何曲調萬年歡

若有人言如來得阿耨多羅三藐三菩提須菩提實無

有法佛得阿耨多羅三藐三菩提須菩提如來所得阿

耨多羅三藐三菩提於是中無實無虛 富嫌千口少

貧恨一身多 頌曰 生涯如夢若浮雲活計都無

絕六親留得一霍青白眼笑着無限往來人

是故如來說一切法皆是佛法 明明百草頭明明祖

佛意 頌曰 會造逡巡酒能開頃刻花琴彈碧玉

調爐煉白硃砂幾般伎倆從何得須信風流出當家

須菩提所言一切法者即非一切法是故名一切法

上大人丘乙巳 頌曰 是法非法不是法死水藏

龍活鱖鱖是心非心不是心逼塞虛空古到今

祇者是絕追尋無限野雲風捲盡一輪孤月照天心

須菩提譬如人身長大須菩提言世尊如來說人身長

大即為非大身是名大身 喚作一物即不中 頌曰

天產英靈六尺軀能文能武善經書一朝識破孃生
面方信閑名滿五湖

須菩提菩薩亦如是若作是言我當滅度無量眾生即
不名菩薩何以故須菩提實無有法名為菩薩是故佛
說一切法無我無人無眾生無壽者喚牛即牛呼馬
即馬頌曰借婆衲子拜婆門禮數周旋已十分
竹影埽堦塵不動月穿潭底水無痕

須菩提若菩薩作是言我當莊嚴佛土是不名菩薩何
以故如來說莊嚴佛土者即非莊嚴是名莊嚴須菩提
若菩薩通達無我法者如來說名真是菩薩寒即昔

天寒熱即普天熱頌曰有我元無我寒時燒軟
火無心似有心半夜拾金針無心無我分明道不知
道者是何人呵呵

須菩提於意云何如來有肉眼不如是世尊如來有肉
眼須菩提於意云何如來有天眼不如是世尊如來有
天眼須菩提於意云何如來有慧眼不如是世尊如來
有慧眼須菩提於意云何如來有法眼不如是世尊如
來有法眼須菩提於意云何如來有佛眼不如是世尊
如來有佛眼盡在眉毛下頌曰如來有五眼張
三祇一覆一般分皂白的的別青黃其間此子說訛

處六月炎天下雪霜

須菩提於意云何如恒河中所有沙佛說是沙不如是
世尊如來說是沙須菩提於意云何如一恒河中所有
沙有如是沙等恒河是諸恒河所有沙數佛世界如是
寧為多不甚多世尊佛告須菩提爾所國土中所有眾
生若干種心如來悉知曾為蕩子偏憐客慣愛貪盃
識醉人 頌曰 眼觀東南意在西北將謂猴白更
有猴黑一切眾生一切心盡逐無窮聲與色喝
何以故如來說諸心皆為非心是名為心 病多諳藥
性 頌曰 一波纔動萬波隨似蟻循環豈了期咄

今日與君都割斷出身方号丈夫兒

所以者何須菩提過去心不可得現在心不可得未來
心不可得 佞聲佞聲直得鼻孔裏出氣 頌曰

三際求心心不見兩眼依前對兩眼不須遺劍刻舟
尋雪月風花常見面

須菩提於意云何若有人滿三千大千世界七寶以用
布施是人以是因緣得福多不如是世尊此人以是因
緣得福甚多須菩提若福德有實如來不說得福德多
以福德無故如來說得福德多 由勝別勞心 頌曰
羅漢應供薄象身七寶珍雖然多濁富爭似少清

非色非相
分第三十

貧冏象祗因無意得离婁失在有心親

須菩提於意云何佛可以具足色身見不不也世尊如
來不應以具足色身見何以故如來說具足色身即非
具足色身是名具足色身須菩提於意云何如來可以
具足諸相見不不也世尊如來不應以具足諸相見何
以故如來說諸相具足即非具足是名諸相具足

官不容針私通車馬 頌曰 請君仰面看虛空

廓落無邊不見蹤若解轉身些子力頭頭物物總相逢

須菩提汝勿謂如來作是念我當有所說法莫作是念
何以故若人言如來有所說法即為謗佛不能解我

非說所說
分第三十一

所說故 是即是大藏小藏從甚處得來 頌曰

有說皆成謗無言亦不容為君通一線日向嶺東紅

須菩提說法者無法可說是名說法 免角杖龜毛拂

頌曰 多年石馬放毫光鐵牛哮吼入長江虛空一

喝無蹤跡不覺潛身北斗藏 且道是說法不是說法

爾時慧命須菩提白佛言世尊頗有眾生於未來世聞

說是法生信心不佛言須菩提彼非眾生非不眾生何

以故須菩提眾生眾生者如來說非眾生是名眾生

火熱風動水濕地堅 頌曰 拍鹿豈能成駁馬言

烏誰謂是翔鸞雖然不許纖毫異馬字驢名幾百般

無法可得
分第三二

須菩提白佛言世尊佛得阿耨多羅三藐三菩提為無
所得耶佛言如是如是須菩提我於阿耨多羅三藐三
菩提乃至無有少法可得是名阿耨多羅三藐三菩提
求人不如自求已 頌曰 滴水生冰信有之綠楊
芳草色依依秋月春花無限事不妨閑聽鷓鴣啼
復次須菩提是法平等無有高下是名阿耨多羅三藐
三菩提以無我無人無眾生無壽者修一切善法則得
阿耨多羅三藐三菩提 山高海深日生月落 頌曰
僧是僧兮俗是俗喜則笑兮悲則哭若能於此善參
詳六六從來三十六

淨心行善
分第三三

福智無比
分第三四

須菩提所言善法者如來說即非善法是名善法
面上夾竹桃花肚裏侵天荆棘 頌曰 是惡非惡
從善非善將逐符行兵隨印轉有時獨立妙高峯却
來端坐閻羅殿見盡人間祇點頭大悲手眼多方便
須菩提若三千大千世界中所有諸須彌山王如是等
七寶聚有人持用布施若人以此般若波羅蜜經乃至
四句偈等受持讀誦為他人說於前福德百分不及一
百千萬億分乃至算數譬喻所不能及 千錐劖地不
如鈍鋤一捺 頌曰 麒麟鸞鳳不成群尺璧寸珠
那入市逐日之馬不立馳倚天長劍人難比乾坤不

化無所化
分第千五

覆載劫火不能壞凜凜威光混大虛天上人間揔不

如意

須菩提於意云何汝等勿謂如來作是念我當度眾生
須菩提莫作是念何以故實無有眾生如來度者若有
眾生如來度者如來即有我人眾生壽者春蘭秋菊
各自馨香頌曰生下東西七步行人人鼻直兩
眉橫哆啞悲喜皆相似那時誰更問尊堂
還記得在麼

須菩提如來說有我者即非有我而凡夫之人以為有
我須菩提凡夫者如來說即非凡夫是名凡夫

法身非相
分第千六

前念眾生後念佛佛與眾生是何物 頌曰 不現
三頭六臂却能拈匙放筋有時醉酒罵人忽尔燒
香作禮手把破砂盆身披羅錦綺做摸打樣百千般
驀鼻牽來祇是你

須菩提於意云何可以三十二相觀如來不須菩提言
如是如是以三十二相觀如來 錯 頌曰 泥塑木
雕縑彩畫堆青抹綠更粧金若將此是如來相笑煞
南無觀世音

佛言須菩提若以三十二相觀如來者轉輪聖王即是
如來須菩提白佛言世尊如我解佛所說義不應以三

十二相觀如來身錯身頌曰 有相身中無相身金香
爐下鐵崑崙頭頭盡是吾家物何必靈山問世尊
如王秉劔

爾時世尊而說偈言義 若以色見我身以音聲求我
是人行邪道不能見如來身直饒不作聲求色見亦
未見如來在且道如何得見 不審不審 頌曰
見色聞聲世本常一重雪上一重霜君今要見黃頭
老走入摩耶腹內藏噫此語三十年後擲地金聲在
須菩提汝若作是念如來不以具足相故得阿耨多羅
三藐三菩提須菩提莫作是念如來不以具足相故得

阿耨多羅三藐三菩提須菩提汝若作是念發阿耨多
羅三藐三菩提心者說諸法斷滅莫作是念何以故發
阿耨多羅三藐三菩提心者於法不說斷滅相身前不
齊身理還亂拽起頭來割不斷 頌曰 不知誰解
巧安排捏取依前又放開莫謂如來成斷滅一聲還
續一聲來

須菩提若菩薩以滿恒河沙等世界七寶持用布施若
復有人知一切法無我得成於忍此菩薩勝前菩薩所
得功德身耳聽如聾口說如啞 頌曰 馬下人因馬
上君有高有下有踈親一朝馬死人歸去親者如同

陌路人 祇是舊時人改却舊時行履處

何以故須菩提以諸菩薩不受福德故須菩提白佛言

世尊云何菩薩不受福德須菩提菩薩所作福德不應

貪著是故說不受福德 裙無腰袴無口 頌曰

似水如雲一夢身不知此外更何親箇中不許容他

物分付黃梅路上人

須菩提若有人言如來若來若去若坐若卧是人不解

我所說義何以故如來者無所從來亦無所去故名如來

山門頭合掌佛殿裏燒香 頌曰 衲捲秋雲去

復來幾迴南岳與天台寒山拾得相逢笑且道笑箇

威儀寂靜
分第三十九

甚麼笑道同行步不擡

須菩提若善男子善女人以三千大千世界碎為微塵

於意云何是微塵衆寧為多不須菩提言甚多世尊

何以故若是微塵衆實有者佛即不說是微塵衆所以

者何佛說微塵衆則非微塵衆是名微塵衆

若不入水爭見長人 頌曰 一塵纔起翳磨空碎

抹三千數莫窮野老不能收拾得任教隨雨又隨風

世尊如來所說三千大千世界即非世界是名世界何

以故若世界實有者即是一合相如來說一合相即非

一合相是名一合相須菩提一合相者即是不可說但

一合雜相
分第三十

知見不生
分第三十一

凡夫之人貪著其事天捏聚放開兵隨印轉 頌曰
渾圓成兩片擘破却團圓細嚼莫空碎方知滋味全
須菩提若人言佛說我見人見衆生見壽者見須菩提
於意云何是人解我所說義不也天世尊是人不解如
來所說義何以故世尊說我見人見衆生見壽者見即
非我見人見衆生見壽者見是名我見人見衆生見壽
者見須菩提發阿耨多羅三藐三菩提心者於一切法
應如是知如是見如是信解不生法相須菩提所言法
相者如來說即非法相是名法相天飯來開口睡來合
眼 頌曰 千尺絲輪直下垂一波纔起萬波隨夜

應化非真
分第三十二

靜水寒魚不食滿船空載月明歸
須菩提若有人以滿無量阿僧祇世界七寶持用布施
若有善男子善女人發菩提心者持於此經乃至四句
偈等受持讀誦爲人演說其福勝彼云何爲人演說
要說有甚難即今便請 諦聽諦聽 頌曰
行住坐卧是非人我忽喜忽真不離這箇祇這箇
驀面唾平生肝膽一時傾四句妙門都說破
不取於相如如不動天 ○ 末後一句始到牢關直得
三世諸佛四目相觀六代祖師退身有分可謂是江
河徹凍水泄不通極目荆榛難爲措足到這裏添一

絲毫如眼中着刺減一絲毫似肉上刺瘡非為坐斷
要津蓋為識法者恐雖然恁麼佛法只如此便見陸
地平沉豈有燈燈續焰川上座今日不免向猛虎口
中奪食獍龍領下穿珠豁開先聖妙門後學進
身有路放開一線又且何妨語則全彰法體默則獨
露真常動則隻鶴片雲靜則安山列岳舉一步如
象王迴顧退一步若獅子頻呻法王法令當行便能
於法自在祇如末後一句又作麼生道還委悉麼雲
在嶺頭閑不徹水流澗下大忙生 頌曰 得優游
處且優游雲自高飛水自流祇見黑風翻大浪未聞

沉却釣魚舟

何以故 一切有為法 如夢幻泡影 如露亦如電

應作如是觀 行船盡在把梢人 頌曰

水中捉月鏡裏尋頭刻舟求劍騎牛覓牛空華
陽焰夢幻浮漚一筆勾下要休便休巴歌杜酒村田
樂不風流處自風流

佛說是經已長老須菩提及諸比丘比丘尼優婆塞優
婆夷一切世間天人阿脩羅聞佛所說皆大歡喜信受
奉行三十年後莫教忘却老僧不知誰是知恩者

呵呵將謂無人 頌曰 飢得食渴得漿病得瘥熱

得涼貧人遇寶櫻子見孃飄舟到岸孤客歸鄉早逢
甘澤國有忠良四夷拱手八表來降頭頭恣是物物
全彰古今九聖地獄天堂東西南北不用思量剎塵
沙界諸群品盡入金剛大道場
金剛般若波羅蜜經

冶父川老一日携所頌金剛經示予欲鏤板流通俾令
作序自媿淺陋不敢承命竊惟世尊在祇園座上
答須菩提所問普為衆生說是般若波羅蜜翻譯西來
傳大士首作偈頌今川老又於此經或一字或一句或
一分悉說偈言若或明眼人喚作頭上安頭亦可要之
使未悟入者緣此發明心地如圭峯禪師誦圓覺終卷
遂明圓覺了義安楞嚴破句讀經豁然大悟更有聞謳
歌舉詩句皆識自性况此經頌後之覽者因是而覺豈
不美歟此冶父之意亦予之意也謹以所見書于經後
紹興辛巳八月晦日

左朝議太直秘閣吉州崇道觀鄭

震題

厥号般若經者非一

我佛喻以金剛最妙

注解是經義者雖眾川老著語聯頌尤嘉繇是

麻谷丐士惟迂募工重彫印施無窮上祝

皇齡兼鎮鄰寇洎盡法界諸有情同入無餘大

涅槃也噫法喻齊彰妙理語頌兼標與旨彫板

印施洪願曷勝導哉時重興戊午孟冬仲旬寓

禪月庵山人天演跋

校尉李

洪筆書

棟梁道人

惟迂誌

道人

正安刻

大方廣佛華嚴經卷十七之一

于闐國三藏沙門實叉難陀譯

梵行品第十六

梵是西域之音具云勃盪摩此翻為淨真境為梵智契為行

爾時正念天子白法慧菩薩言

梵依天行而得成故念與無念二而不二為正念也

佛子一切世界諸菩薩眾依如來教染衣出家云何而

得梵行清淨從菩薩位逮於無上菩提之道

正顯問端

法慧菩薩言佛子菩薩摩訶薩修梵行時應以十法而

為所緣作意觀察所謂身身業語語業意業佛法僧

戒應如是觀為身是梵行耶乃至戒是梵行耶

因所成果

若身是梵行者當知梵行則為非善則為非法則為渾濁則為臭惡則為不淨則為可厭則為違逆則為雜染則為死屍則為蟲聚

廣陳修相

若身業是梵行者梵行則是行住坐卧左右顧視屈申俯仰

身之作用

若語是梵行者梵行則是音聲風息唇舌喉吻吐納抑縱高低清濁

語具十事

若語業是梵行者梵行則是起居問訊略說廣說喻說

直說讚說毀說安立說隨俗說顯了說語業十事

若意是梵行者梵行則應是覺是觀是分別是種種分別是憶念是種種憶念是思惟是種種思惟是幻術是

眠夢

觀意十事

若意業是梵行者當知梵行則是思想寒熱饑渴苦樂憂喜

觀意業十事

若佛是梵行者為色是佛耶受是佛耶想是佛耶行是佛耶識是佛耶為相是佛耶好是佛耶神通是佛耶業行是佛耶果報是佛耶

觀佛十事

若法是梵行者為寂滅是法耶涅槃是法耶不生是法

耶不起是法耶不合集是法耶不隨順是法耶無所行
是法耶不可說是法耶無分別是法耶無所得是法耶
若僧是梵行者為預流向是僧耶預流果是僧耶一來
向是僧耶一來果是僧耶不還向是僧耶不還果是僧
耶阿羅漢向是僧耶阿羅漢果是僧耶三明是僧耶六
通是僧耶 觀僧十事

若戒是梵行者為壇場是戒耶問清淨是戒耶教威儀
是戒耶三說羯磨是戒耶和尚是戒耶阿闍黎是戒耶
剃髮是戒耶著袈裟衣是戒耶乞食是戒耶正命是戒
耶 觀戒

如是觀已於身無所取於修無所著於法無所住過去
已滅未來未至現在空寂無作業者無受報者此世不
移動彼世不改變 辨觀成之相

此中何法名為梵行梵行從何處來誰之所有體為是
誰由誰而作為是有為是無為是色為非色為是受為
非受為是想為非想為是行為非行為是識為非識

約所成梵行

如是觀察梵行法不可得故三世法皆空寂故意無取
著故心無障礙故所行無二故方便自在故受無相法
故觀無相法故知佛法平等故具一切佛法故如是名

為清淨梵行

李行 結成梵行清淨之相

復應修習十種法何者為十所謂處非處智過現未來業報智諸禪解脫三昧智諸根勝劣智種種解智種種界智一切至處道智天眼無礙智宿命無碍智永斷習氣智

明利他行淨

於如來十力一一觀察一一力中有無量義悉應諮問

結勸廣學

問已應起大慈悲心觀察衆生而不捨離思惟諸法無有休息行無上業不求果報了知境界如幻如夢如影如響亦如變化

慈念衆生

若諸菩薩能與如是觀行相應於諸法中不生二解一切佛法疾得現前初發心時即得阿耨多羅三藐三菩提知一切法即心自性成就慧身不由他悟

答因所成問

都監震岳福律

刻字李福龍

別座玩松致準

磨板李景石

校正滿月亘照

擔柴朴君一

供司比丘常直

粧冊比丘道喜

大方廣佛華嚴經卷十七之一

終釋奉性書

施主秩 大小結緣同登正覺

化主鏡波璣奕	石聳洪範	乾命張啟奎	信女金氏直心花	信女金氏普光花
庸庵典愚	鏡菴定持	乾命張淵奎	信女高氏定法日	信女禹氏顯蓮花
南湖永奇	瑞龍元有	乾命金斗弘	信女金氏法輪	信女文氏性心花
秋波瑞璋	沙彌金奉	乾命宋興一	信女金氏清蓮花	信女科氏普清淨
翫性普曉	比丘尼致律	乾命尹永基	信女李氏大覺花	坤命甲辰徐氏
月城道海	妙寶 恭息	尚宮丙寅徐氏	信女宋氏散心花	坤命己卯生千氏
自虛海心	處學 敬曄	尚宮戊午生崔氏	信女李氏蓮德花	坤命丁亥朴氏
蘄庵璣柱	大願	尚宮甲寅金氏	信女李氏向西心	
濟庵應荷	比丘錫聰	尚宮戊辰朴氏	信女尹氏圓明花	

摩訶般若波羅蜜多心經

崇勝無窮禪師善傳 頌

摩訶 頌曰 黃面瞿曇說脫空件件皆私總不公今

日和賊都捉敗猶把平人亂指通

般若 頌曰 馬字驢名幾萬般改頭換面盡應難妙

相端然無比並僧絲落筆失真顏

波羅 頌曰 沙漠波濤去無涯惡風飄墮遇羅叉只

為渠儂書梵字攝鬼牽船直到家

蜜多 頌曰 調羹之手美人食海外寰中事萬般打

開自己光明藏盡出吾家一念間

心經 頌曰 曠大劫來獨爾靈無形無相亦無名老
爺到此不獲已權呼假字立爲心

頌曰 迢迢大路直通京往返千千萬萬人借
問往來途路客幾人得到自門庭

觀自在菩薩 頌曰菩薩垂慈徧大方頭頭吐露不
曾藏觸目遇緣如會得分明不在普陀山

行深般若波羅蜜多時 頌曰 離婁有侵空往返岡

象無心獲本珠行到水窮山盡處溪邊石女笑文殊
照見五蘊皆空度一切苦厄 頌曰 本來無物露堂
堂照耀乾坤不透光更有一般奇特事青天白日兩

靄霧

舍利子 頌曰 說似一物卽不中混融魔界等虛空

有人問我端的處滿地山花滿地春

色不異空空不異色 頌曰 空色不異等同倫從來

共住不知名如今拋在娑婆界刹刹塵塵刹刹塵

色卽是空空卽是色 頌曰 色卽是空空卽是色笑得

虛空口唇缺多少明醫補不成剛被太陽都漏泄

受想行識亦復如是 頌曰 鷺鷥撞見水老鴉大家

同步展泥沙飛去飛來常作隊皆因箇箇喫魚鰕

舍利子是諸法空相 頌曰 老漢從來忒大慈展開

無礙眼和眉點出是非姦醜事認得分明却是伊

不生不滅 頌曰 不生不滅是真常浩劫如今豈改

顏湛湛有同香水海青青無異補陀山

不垢不淨 頌曰 不垢不淨本無情誰敢爲他立姓

名自古上人猶不識千般萬樣巧施呈

不增不減 頌曰 誰知吾家堅固身堂堂徧界等虛

空若人問我如何是報道言詮摠不中

是故空中 頌曰 日月陟天邁往返霧雲無碍去還

來魚踏水中誰薦跡鳥行空界任渠猜

無色無受想行識 頌曰 無尾無頭無盡程融融三

界不容針猫不成兮畫不是剛被神農劃卦文

無眼耳鼻舌身意 頌曰 有情無情俱解脫處處行

人皆快活三塗卽是堯率天八難儂成極樂國

無色聲香味觸法 頌曰 一重山了一重山重山過

了轉艱難如今得到妙高頂四禪天界眼中看

無眼界乃至無意識界 頌曰 春花秋月事尋常九

夏荷花噴鼻香更有一般竒特事三冬鵬雪逼人寒

無無明 頌曰 無無明物不同常晝夜輝輝放寶光

除非頂門開正眼方見渠儂面不殘

亦無無明盡 頌曰 無明盡處是無明切莫更名改

舊形昔時六國垂金印蘓秦只是舊蘓秦

乃至無老死 頌曰 無老無死湛如如雲散長空月

正孤夜夜盡從東畔出朝朝依舊落西湖

亦無老死盡 頌曰 老死盡來無所憂從教作馬與

爲牛駝箇主人沙界外拽一張犁直到頭

無苦集滅道 頌曰 從來住屋不知家跋涉山川路

轉差今日與君挑了翳免教白日見空花

無智亦無得 頌曰 一得永得一切得不用謀心並

費力四方咸唱太平歌八表齊言稱舜日

以無所得故菩提薩埵 頌曰 洋子江邊看浪頭滔

滔晝夜鎮長流借問魚舟何處泊笑指蘆花兩岸秋

依般若波羅蜜多故心無罣碍 頌曰 心無罣碍是

名心萬丈寒潭湛碧澄堪數九宵空界月却來徹底

現全形

無罣碍故無有恐怖 頌曰 魔宮虎穴閑行往地獄

天堂任意遊自從踏著自家底呼佛喚祖作馱牛

遠離顛倒夢想 頌曰 顛倒夢想有誰知脫體知根

竇與伊打破古今玄妙寨只教無地下針錐

究竟涅槃 頌曰 低頭每每看日月徐徐垂手摸須

弥未舉步來天地外阿誰與我共同嬉

三世諸佛依般若波羅蜜多故得阿耨多羅三藐三菩提
提 頌曰 到家始覺自安然一念從教百萬年三著
錦衣歸故里兩扶日月上青天

故知般若波羅蜜多是大神呪是大明呪是無上呪是
無等等呪 頌曰 天地莫能覆與載日月焉能照與
臨要識箇中親切處唵末唎囉悉帝阿吽

能除一切苦真實不虛 頌曰 救苦垂慈不可量時
時覲面放毫光處處現身為說法不分天上與人間
故說般若波羅蜜多呪 頌曰 軟似兜羅磬似鐵十
箇啞子五對說三更日午大陽輝海底青蛙吞了月

卽說呪曰 頌曰 大賁金仙無說說飲光從此不聞
聞石人仰面打耳語木女低頭側耳聽

羯諦羯諦 頌曰 祇為叮嚀事轉生從頭打發一齊
新如今再轉頭來看不似當初不似今

波羅羯諦 頌曰 水流還海月還天風送魚舟到岸
邊雨打樵子回家路依前灘畔鷺鷥眠

波羅僧羯諦 頌曰 方等位中為主宰法王殿上展
威風一劒劈開生死陣羣魔無限盡歸從

菩提薩婆訶 頌曰 本來言說亦無心假使功勳喚
作經黃葉止啼啼更切大家撫掌鬧紛紛

摩訶般若波羅蜜多心經終

無衣子贊 并序注

夫般若有三曰實相曰觀照曰文字因文字而起
觀照因觀照而證實相則之經也上昇覺路頓作
金僊大還丹也乃作贊曰

般若大智光堅利如金剛能破一切障四魔惡敢當
一煩惱魔是生死因二五陰魔三死魔此是生死果四天
魔是生死緣此四種皆能障解脫故名爲魔

經義叵思議果報亦難量降心住無住離相是宏綱
信解等諸佛智覺禪師云信無我之理解無住之宗
現身成佛以諸佛體達人法一空入無生無住之性以

成佛故 誦持多吉祥 今古受持者 靈異頗昭彰
或見須菩提 如大曆年中衛州別駕周伯玉常持金剛
經忽於房中見一道光光內有胡僧喚云檀越伯玉問
云是何僧答云我是須菩提為汝誦經不斷肉食汝若
至心求道必須斷肉等 或伏閻羅王 如岐州女
阿玉忽然身死見閻羅王問曰汝在生作何善答云常
持金剛經王即恭敬即與金床坐令誦經訖遂放歸生
路王言向後生天更莫來此 又琰法師受持金剛經
忽見一僧手執金剛經語琰云此經功德不可思議因
得延壽 又陳末因慧禪師年十八聲振寰宇誦經及

論三時不輟忽見一人來云請法師因此命終唯心頭
煖七日方蘇初死之時至一城中見一王合掌恭敬云
弟子惡業受此罪身暫請師誦金剛經七日誦訖送還
乃與觀綃三百疋及至惺悟見櫃中之綃分明盈滿等
益世壽 隋時雍州趙文因疾而死經七日却蘇云初死
之時引我見閻王問生時有何福業答云一生唯誦金剛
經王云此經功德最上加年放汝還生必當延永
又海州東海縣令王欽明常持金剛經因妻殺戮物命
追入冥司王問君今讀得金剛經否答曰誦得即對王
前只誦四句偈訖有二金剛忽然而現金剛現時即放

欽明還生冥司便注命薄壽年一百二十歲其妻承此
經力亦得免罪再生人道 冥福 鳳翔釋甯師忽暴
亡三日而蘇衆驚問之荅曰我為冥司追攝見一判官
判官謂使者曰好選師迴囑甯曰但多轉讀功德經甯
曰孰是功德經曰金剛般若若是也此經冥間拔濟功力
無與比者 感天樂異香 貞觀初鎮州司法李生
常誦金剛經後往洛陽忽然染患而終是日但聞空
中天樂異香三日不歇 又蘇州重玄寺僧智儼常誦
金剛經奄然坐終其時寺內及遐迩悉聞異香音樂時
當盛夏肉身不壞至貞觀七年漆身供養

水 王新任蜀道縣令欲歸蜀去無糧食時有一僧乃是
蜀人亦欲還彼與王新同歸其僧有錢十千文乃寄王
新若到益州望依數還其僧常持金剛經至綿州王新
密起害心要免錢債夜共渡江乃沉僧於急水中其僧
逢一流槎專於槎上誦經口中忽出五色光江村人見
光駕舩載上其僧先到益州王新後到見僧愕然出汗
傍人拭汗隨手眉鬚皆墮 火不我害 古有一居士
忘其名常讀金剛經閭里失火左右前後之家皆見燒
獨其家不燒 鬼神不我殃 宮亭湖神能興雲致雨
禍福交至西天二僧各善呪術欲降彼神入廟俱死有

一小僧專持金剛經見二客僧俱死直入廟中徐聲誦
經須臾黑雲忽起湖水沸騰忽見一物身長一丈聲如
雷振目似電光僕從三百餘人皆持刀戟見小僧誦經
佞頭合掌胡跪聽經因受菩薩戒後廟神謝大蟒身
枷鎖不我繫 吉州廬陵縣主簿周詮母梁氏隨男赴
任因母患眼乃請佛迎僧轉金剛經四十九卷母眼雙
明公務人王龕自生異見捉此幡華縛周詮見巡察使
張駟便推考著枷訖詮於時枷鎖自開無能禁者
刀兵不我傷 崔昭為壽州刺史時有一健兒抱罪合至
極刑使人斬之三刀不斷昭問汝有何術荅云唯受持

金剛經去去又于闐國有長者名曰躑躅面白如粉大王見
其面白勅曰汝面似女如女聲唱歌長者對曰我面雖
似女音何似女王再曰若不順我教即殺汝也長者曰
曷受殺罪難似女聲王即發嗔欲射長者頭弓箭
皆碎王手亦落王驚愕問有何術乃如是乎長者曰我
無餘術只是從少時至於七十念金剛經耳王遂悔過
手與弓箭如本 殺罪讀一遍亦免入鑊湯

禮拜印多羅尼十摩訶沙門。만다。구지암。음。호르르。시디
르자니。삼파。아디。스디니。스바하。

同治八年京畿廣州修道山奉恩寺藏板

般若無盡莊真言

나무. 바. 아. 바. 띠. 바. 리. 야. 바. 리. 니. 띠. 헤. 니. 니. 띠.
음. 할. 리. 바. 리. 시. 리. 띠. 삼. 니. 띠. 띠. 띠. 띠. 띠. 띠. 띠. 띠. 띠. 띠. 띠. 띠. 띠. 띠. 띠.

經文從如是我聞至信受奉行都訖。幸一百四十九字。六十九佛。五十
一尊。八十五如來。三十七善。菩薩一百三十八。頌。善提二十六。善男
子。善女人。三十八。何以故。三八。眾生。三十一。於意。云。何。三十一。如是。三十九。阿耨
多。三。額。三。善。提。二十一。布。施。十八。福。德。二十三。恒。沙。河。十二。微。在。七
箇。三千大千世界。七。箇。三十一。相。八。切。德。八。莊。嚴。殿。五。波。只。密。四。須
陀。迦。斯。陀。舍。四。阿。那。舍。罰。羅。羅。漢。此。是。四。果。仙人。如。我。昔。為。歌
刹。王。割。截。身。體。如。我。注。者。節。之。支。解。時。若。有。我。相。人。相。眾。生。相。壽
者。相。一。無。我。見。人。見。眾。生。見。壽。命。見。三。此。危。危。數。門。七。箇。得。金。剛。般若。若。波。頭。

密傳旨系

山鳴日不直山柁大月初二日十一日二十三日二十六日小月初一日初五日初十日十六日

白虎大殺日戊辰丁丑丙戌乙未甲辰癸丑壬子每月有神忌忌此日

人亡吾亡不喜人不人吾亡不怒人吾亡人亡吾亡人亡吾亡不人觀人吾亡人亡不人

知吾人不人

